

7033

281

U-34

1910

ԽՆԶ ԿՐՈՒ
ԴՈՒՐԵԱՆ ՊԱՏՐԻԱՐԲ

“Բաց ոչ Գոց,,ի խնդրոյն առթիւ

Ա. ԶԳԱՅԻՆ Ժողովոց տէջ ԱՐՏԱՍԱՆՍԻ

ԲԱՆԱԽՍՍՈՒԹԵԱՆ ՔՆՆԱԴԱՏՈՒԹԻՒՆԸ.

ՎԱՐՉԱԿԱՆ ՕՐԻՆԱԶԱՆՅՈՒԹԻՒՆՆԵՐ

ԱՄՈՒՍԵԱԿԱՆ ԴԱՏԵՐՈՒ ՄԷՋ ԳԱՅԹԱԿԱԼԻՑ

ԶԵՂԾՈՒՄՆԵՐ

ՊԱՏՐԻԱՐԲԱՐԱՆԻ

ՄԱՔՐԱԳՈՐԾՈՒՄԸ ԵՆ ՎԵՐԱԿԱԶՄՈՒԹԻՒՆԸ

ԳՐԵՑ ՅՈՎՀԱՆՆԵՍ ՄԱՐԳԱՐԵԱՆ

ՆԱԽԿԻՆ ԴԱՏԱԿԱՆ ՔՆՆԻՉ

ՀԱՎԱԾ ԵՆ ԱՏԱՆԱՅԻ ԿՈՒՍԱԿԱՆՈՒԹԵԱՆՑ

ՏՊԱՐԱՆ ԵՆ ԳՐԱՏՈՒՆ Յ. Գ. ՓԱՂԱԳԱՇԵԱՆ

Կ. ՊՈԼԻՍ, ՄԵԾ ՆՈՐ ԽԱՆ, ԹԻՒ 55

1910

ԽՆԶ ԿՆԵ
ԴՈՒՐԵԱՆ ՊԱՏՐԻԱՐԲ

“Բայ ոչ Գոց,,ի խնդրոյն առթիւ

Ա. ԶԳԱՅԻՆ Ժողովոց Մէջ ԱՐՏԱՍԱՆԱԾ

ԲԱՆԱԽՍՍՈՒԹԵԱՆ ՔՆՆԱԴԱՏՈՒԹԻՒՆԸ

ՎԱՐՉԱԿԱՆ ՕՐԻՆԱԶԱՆՅՈՒԹԻՒՆՆԵՐ

ԱՄՈՒՍՆԱԿԱՆ ԴԱՏԵՐՈՒ ՄԷՋ ԳԱՅԹԱԿԱԼԻՑ

ԶԵՂԾՈՒՄՆԵՐ

ՊԱՏՐԻԱՐԲԱՐԱՆԻ

ՄԱՔՐԱԳՈՐԾՈՒՄԸ ԵՒ ՎԵՐԱԿԱԶՄՈՒԹԻՒՆԸ

ԳՐԵՑ ՅՈՎՀԱՆՆԷՍ ՄԱՐԳԱՐԵԱՆ

ՆՍԽԱԻՆ ԳԱՏԱԿԱՆ ՔՆՆԻԶ

ՀԱԼԷՊԻ ԵՒ ԱՏԱՆԱՅԻ ԿՈՒՍԱԿԱԼՈՒԹԵԱՆՑ

ՏՊԱՐԱՆ ԵՒ ԳՐԱՏՈՒՆ Յ. Գ. ՓԱՂԱԳԱՆԵԱՆ

Կ. ՊՈԼԻՍ, ՄԵԾ ՆՈՐ ԽԱՆ, ԹԻՒ 55

1910

25 JUN 2013

7055

281
34

ԽճԻ ԿՂՈՒ
ԴՈՒՐԵԱՆ ՊԱՏՐԻԱՐՔ

“Բաց ոչ Գոց”ի խնդրոյն առթիւ

Ա. ԶԳՍՅԻՆ Ժողովոց Մէջ ԱՐՏԱՍԱՆՈՒ

ԲԱՆԱԽՍՈՒԹԵԱՆ ՔՆՆԱԴԱՏՈՒԹԻՒՆԸ

ՎԱՐՁԱԿԱՆ ՕՐԻՆԱԶՄԱՆՅՈՒԹԻՒՆՆԵՐ

ԱՄՈՒՍՆԱԿԱՆ ԴԱՏԵՐՈՒ Մէջ ԴԱՅԹԱԿԱԶԱՐԺ

ԶԵՂԾՈՒՄՆԵՐ

ՊԱՏՐԻԱՐՔԱՐԱՆԻ

ՍԱՔՐԱԳՈՐԾՈՒՄԸ ԵՆ ՎԵՐԱԿԱԶՄՈՒԹԻՒՆԸ

ԳՐԵՑ ՅՈՎՀԱՆՆԷՍ ՄԱՐԳԱՐԵԱՆ

ՆԱԽԿԻՆ ԴԱՏԱԿԱՆ ԴԵՆԵԻՉ

ՀԱՆԼԵՐ ԵՆ ԱՏԱՆԱՅԻ ԿՈՒՍԱԿԱՆՈՒԹԵԱՆՑ

ՏՊԱՐԱՆ ԵՆ ԳՐԱՏՈՒՆ Զ. Գ. ՓԱՆԱԳԱՇԵԱՆ

Կ. ՊՈԼԻՍ, ՄԵԾ ՆՈՐ ԻԱՆ, ԹԻՒ 55

1910



65499-67

Դուրեան Պատրիարքին

Ազգ. Ժողովոյ 23 յուլիս 1910 նստին մէջ քրած

ԲԱՆԱԽՕՍՈՒԹԵԱՆ

ՔՆՆԱԴԱՏՈՒԹԻՒՆԸ



Սրբազան, կ'ըսէք թէ «Յանուն Ազգ. Ժողովոյ և ցանուն Ազգին յաւ կը յայտնեմ իզմիրի զէպօքին, անոր համար որ մենք պատճառ եղանք այս զէպօքին՝ դժբաղդ թիւ բիժացութիւններով. և երբ մենք չենք կրնար զիրար հասկնալ, ի՞նչպէս պիտի սպասենք որ Ժողովուրդը չը գժարի»:

Սրբազան, Ձեր յաւ յայտնած իզմիրի արիւնհեղութեան զէպօքին շարժառիթը՝ միայն եկեղեցեաց մէջ ատենախօսութեանց խնդիրն ըլլալով, սոյն խնդրոյն այս ատիժանի յանգելուն պատճառները քննելու և պարզելու հարկ տեսայ:

Իզմիրիկան կաթողիկոս՝ իր վերջին անգամ կ. Պոլսոյ Պատրիարքութեանը ստեն՝ Եկեղեցիները անխտրարար ատենախօսութեանց առջև բաց ձգելու մասին հրատարակած կոնդակին հակառակ՝ կուսակցական և քաղաքական ատենախօսութիւնները արգիլելու ըստ օրինի իրաւասութիւն չունէր: Այս արգիլքով, ինչպէս իր վերոյիշեալ կոնդակովը, եկեղեցիներու մէջ ատենախօսելը կրօնի և Հաւատոյ հակառակ չըլլալը՝ սկզբաբար

և հիմնապէս ընդունած է: Հետեւաբար իր արգելած ատենախօսութիւններն ալ կրօնի հակառակ չեն, և այս խնդրոյն մէջ իր միջամտութիւնը միահեծանութեան ձգտում մ'է իր կողմէն և բոլորովին հակառակ է՝ իր իսկ՝ երկու անգամ Պատրիարքութեանը առթիւ ճշմարտապէս գործադրութեանը հսկելու ուխտած Սահմանադրութեան ոգւոյն. այս իսկ պատճառաւ Ազգ. Ժողովը պարտաւոր էր մերժել վերոյիշեալ կոնդակը:

Խառն Ժողովը ալ՝ եկեղեցիները ատենախօսութեանց առջև բաց ձգելու մասին կանխապէս միաձայնութեամբ տուած որոշումը՝ ինքնին աւելու և հակառակ որոշում տալու իրաւասութիւն չունենալուն պատճառաւ, իր նախորդ որոշման վրայ պնդելէն զատ ուրիշ օրինական ճամբայ չունէր. մինչդեռ այս կարեւոր կէտը ի նկատի չառնելէն զատ՝ իր իրաւասութիւնէն վեր սաւառնելով՝ Հայր. կոնդակին գործադրութիւնը հրամայող Ազգ. Ժողովոյ որոշումը ջնջած և եկեղեցիները իսպառ զոցելու ըմբոստ որոշումը տուած է:

Սրբազան, Ձեր յայտնած դէպքին պատասխանատուութիւնը՝ Ա. Ձեր, Բ. Խառն Ժողովոյ վրայ կը ծանրանայ: Բացատրենք:

Դուք կաթ. կոնդակին գործադրութիւնը հրամայող Ազգային Ժողովոյ տուած անփոփոխելի որոշումը անմիջապէս և ուղղակի չըջարեալականաւ գործադրելու օրինական պարտաւորութիւննիդ անգիտանալով, զժրադգաբար Խառն Ժողովոյ յանձնած էք զայն: Իսկ սա, փոխանակ յիշեալ կոնդակը նոյնութեամբ գործադրելու պէտքն իմացնելով՝ զայն Ձեզ վերադարձնելու, Ձեր աչքին առջև իր իրաւասութեան սահմանէն դուրս ել-

լելով՝ գործադրութիւնը անհրաժեշտ համարեալ յիշեալ որոշման ոգւոյն դէմ՝ եկեղեցիները իսպառ զոցելու ազօրինի խորհրդակցութեան ձեռնարկած միջոցին, Դուք, Սրբազան, պարտաւոր էիք, իբր Սահմանադրութեան ճշմարտապէս գործադրութեանը հսկելու ուխտեալ ընդհանուր Գաղութապետ, ազգուսնէս զիտել տալ թէ՛ Ազգ. Ժողովոյ որոշման հակառակ որ և է խորհրդակցութիւն՝ Խառն Ժողովոյ իրաւասութիւնէն վեր քմբոստութիւն մ'է: Ընդհակառակը Ձեր Սրբազնութիւնը անտարբեր հանդիսատես կը մնայ Օրէնքին ոտնակոխ ըլլալուն:

Սրբազան, Դուք Խառն Ժողովոյ սոյն ապօքէն որոշումը անյապաղ Ազգ. Ժողովոյ մատուցանելով՝ անոր բեկանումը պահանջելու պարտաւոր էիք, սակայն դժբաղդաբար Ձեր պաշտօնին գիտակցութիւնը չունենալնուդ պատճառաւ՝ ո՛չ միայն զայդ չէք ըրած, այլ սոյն ընթրոս որոշումը նոյնութեալ գործադրութեան ալ գրած և ասով թէ՛ Սահմանադրութիւնը և թէ՛ Ազգ. Երեսփոխանական Ժողովոյ հեղինակութիւնը ոտնակոխ ըրած և արիւնհեղութեան և այլ քստմնասարսուռ եղելութեանց տեղի տուած էք:

Այս տեղ «Թիւրքմացութիւն» չի կայ, Ձեր օրինազանցութիւնն է միայն որ Ժողովուրդը կը զժտեցնէ...

Կ'ըսէք. «Եթէ Պատրիարք և վարչութիւն կայ, անոր համեմատ չարմինք, իսկ եթէ ո՛չ Պատրիարք և ո՛չ վարչութիւն կայ, ըսէք մեզի, որ անիշխանութիւն հրատարակենք»:

Սրբազան, երբ Խառն Ժողովը իր իրաւասութիւնէն դուրս ելնելով՝ Ազգ. Ժողովոյ որոշումը աւրած ըլլալը Ատենապետ Տօքթօր Սեդրոսեան էֆէնտին բա-

ցարձակապէս յատենի Ազգ. ժողովոյ կը խոստովանի, և Դուք՝ իբր ուխտեալ հսկող՝ անտարբերութիւն ցուցնելով իման ժողովոյ վերջին որոշումը կը գործադրէք:

Երբ, առանց զԶեզ ընտրող Ազգ. Երեսփոխանական ժողովոյ պիտութեանը, Նորա ստորագրեալ Քաղաքական ժողովոյ մէկ երկու անդամին թելադրութեանը խարուելով՝ հրաժարական կուտաք և վեց ամիս չարունակ Զեր մասնաւոր բնակարանին մէջ անցուցած Զեր անաշխատ կեանքին համար ինքնարեւարար Ազգ. սրնատու կէն թոչակ կ'ստանաք, և միանգամայն ձեր հոգեւոր ծնող իգմիրիկան կաթողիկոսին իսկ մինչև Կ. Պօլսէ միկնման թուականը Պատրիարքութեան յատկացեալ 50 ական ոսկի ամսականները ըստ հաճոյս կը հատուցանէք:

Երբ, քաջ զիտնալով հանդերձ որ Սահմանադրութիւնը առանց բանաւոր պատճառի միմիայն երեք անգամ բացակայող ժողովական մը հրաժարեալ կը համաբերի, Դուք անտարբեր աչօք կը տեսնէք Դատաս. իորհուրդին ինքն իրեն չնորհած ամառնային եռամեայ դադարը և պատասխանատու չէք բռներ նոյն իորհուրդը և անոր քմահաճոյից խաղալիկ կը դարձնէք այն Օրէնքը որուն գործադրութեանը ուխտ ըրած էք:

Երբ Դուք, Պատրիարք և Վարչութիւն, Օրէնքը ոտնակոխ և խաղալիկ կ'ընէք և զեղծումներ կը գործէք, ամենայն իրաւունքով կը համարձակիմ զիտել թէ Պատրիարքի և Վարչութեան չզոյտութիւնը աւելի նախամեծար պիտի ըլլար քան այս ողբալի և գաթակալի վիճակը:

Սրբազան, աւելորդ կը համարիմ այստեղ աւելի ապացոյցներ յառաջ բերել՝ հաստատելու համար թէ ձեր

նկատել ուզած անիշխանութիւնը Զերդ Սրբազնութեան Պատրիարքական դահլ բարձրանալէն ի վեր՝ տիրապետել սկսած է, և Դուք Զեր ընթացքով՝ արդէն անօրէնութիւնը և անիշխանութիւնը հրատարակած էք:

Սրբազան, կ'ըսէք թէ «Հրապարակի վերայ ամէն կողմէն զիս իբր թոյլ Պատրիարք ամբաստանեցին և օտար թերթերն ալ այսպէս զիս ճանչցուցին, որովհետեւ երկու սուրի մէջ էի, չէի կրնար գոհացում տալ, կ'ազաչեմ, ըսէ՛ք, այս գիրքին մէջ գտնուող մարդ մը ի՞նչ կրնայ ընել:»

Սրբազան, աղէկ որ հանրութիւնը զԶեզ իբր քոյր Պատրիարք ամբաստանած ըլլալը Զեր բերնով իսկ պարզմտարար կը խոստովանիք, սակայն ապահով եղիք որ ժողովուրդը միմիայն քաղաքավարութեան համար Զեզի պատկանեալ անկարող բաղին տեղը քոյր բասը գործածած է. Դուք իբր կզերական «Զայն բազմաց ձայն Աստուծոյն աղէկ կը հասկնաք...»

Սրբազան, զԶեզ չփոթեցնող երկու սուրերէն մին՝ Ասեմախօսութեանց մասին կաթ. Կոնգակին գործադրութիւնը հրամայող Ազգային ժողովոյ որոշումն, իսկ միւսը՝ սոյն որոշման ոգւոյն դէմ՝ իման ժողովոյ վերջին ապօրէն և ըմբոստ որոշումն է:

Դուք, Սրբազան, Ազգ. ժողովոյ որոշումը անփոփոխիլ և անբռնաբարելի և իր ստորագրա իման ժողովոյ որոշումէն աւելի նախամեծար ըլլալը հասկնալով ալ կարողութիւնը չունիք եղեր որ, սոյն վերջնոյն ապօրէն և արտաոց որոշումը նախապատիւ համարելով գործադրութեան դրիք և երկպառակութեան տեղի տալով արիւն հոսեցնել տուիք...

Դուք, Սրբազան, օրինաց ճամբէն չեզեկնուող հա-

մար է որ երկու սուրի մէջ ձգած էք ինքզինքնիւ, զի եթէ այսօր Ազգ. ժողովը իյառն ժողովոյ որոշումը բեկանէ, այն ատին կը յաղթանակէ միայն Օրինաց սուրը և Դուք կ'ազատիք սուրերու պաշարման վիճակէն.....

Կ'ըսէք թէ «Կը խնդրենք անոնցմէ որոնք վարչութեան հակառակ շարժիլ կ'ուզեն, անոր գործերուն չեն հաւնիր, զայն կը քննադատեն, օրինաւորութեան սահմանին մէջ ընեն, ոչ թէ բաւականանան «անոնք արժանի չեն» ըսելով. քննադատել օրինաւոր է, բայց բաւաւոր չէ Ազգ. իշխանութեան անսաստելը»:

Սրբազան, երբ իյառն ժողովը իրմէն բարձրագոյն Ազգ. ժողովոյ որոշումը կ'աւրէ և անոր դէմ կ'ըմբոստանայ, երկպառակութեան և եղբայրասպանութեան և այնու Ազգ. ժողովոյ և Ազգին արժանապատուութիւնն ալ ոտնակոխ ընող խայտառակութեանց տեղի կուտայ:

Երբ Երուսաղէմայ Միաբանութեան Ընդհանուր Ժողովէն իբր գող և աւազակ ամբաստանեալ փախստական ութն վարդապետներն Երուսաղէմատան մէջ հիւրասիրուելէ ետք՝ առանց հարցաքննուելու Երուսաղէմ զրկուելով պաշտօնի կ'անցունին, և երբ գողօնը ձեռքը բռնուած և Եգիպտական կառավարութեան կողմէ ընդ հսկողութեամբ զրկուած և իյառն ժողովոյ Հարցաքննիչ Մասնաժողովին ներկայութեանը իր գողութիւնը խոստովանած ուրարակիրը նոյնպէս Երուսաղէմատան մէջ հիւրասիրուելէն ետքը՝ փախչելուն տեղի կը տրուի, մինչ ընդհակառակը Երուսաղէմէն՝ իբր Ազգ. իշխանութեան դէմ ըմբոստ հռչակեալ կարապետ վարդապետն և իւր ընկերները՝ վանքին և Ազգին պատիւն ոտնակոխ ընելու աստիճան խայտառակ պաշարումէ յետոյ, ձերբակալեալ վիճակի մէջ բերուելով ներքին և ար-

տաքին յարաբերութիւններէ իսկ զուրկ՝ Հիւանդանոցի մէջ առանց իրաւասութեան և միանգամայն առանց որ և է ապացոյցի և հակառակ Օրինաց իբր ոճրագործ հինգ ամիս կը բանտարկուին,

Երբ իզմիրեան կաթողիկոս, երկու անգամ Կ. Պոլսոյ Պատրիարքութեանը առթիւ ճշմարտապէս դործադրութեանը հսկելու ուխտած Ազգ. Սահմանադրութեան հոգւոյն հակառակ, էտիրնէի և վանայ առաջնորդութեանց մասին ուղղակի ըրած տնօրէնութիւնները Դուք առանց առարկութեան ընդունելով կը գործադրէք և այսպէս Սահմանադրութեան հիմը կը քանդէք, Ազգը իրաւունք չունենա՞ր արդեօք, Սրբազան, թէ՛ զԶեղ և թէ՛ իյառն ժողովն ո'չ միայն քննադատելու, այլ և հրաժարեցնելով՝ դատի և պատասխանատուութեան իսկ ենթարկելու:

Սրբազան, կ'ըսէք թէ «Որ և է մարմնոյ վրայ մի ծանրացնէք պատահած և պատահելիք դէպքերուն պատասխանատուութիւնը, ա'լ պատասխանատու չկայ»:

Սրբազան, այս Զեր ըսած դէպքերն երկնային պատուհասի և ֆօրս մաժկոնի արդիւնք չեն որ պատասխանատու չունենան: Այս դէպքերուն պատճառ տուողներն նախ Դուք, երկրորդ՝ իյառն ժողովը եղած ըլլալնից կանխապէս զգալնուդ համար է որ զԶեղ չքմեղացնելու համար Ազգային ժողովոյ ներողամտութիւնը կը հայցէք, «դէպքին պատասխանատուութիւնը որ և է մարմնոյ վերայ մի՛ ծանրացնէք, պատասխանատու չկայ» ըսելով:

Կ'ազաչենք, Սրբազան, ըսէք մեզի, ուրիշ ի՞նչ բան զԶեղ կը ստիպէ այս իզմիրեան արխեհեղորեան պատասխանատուները հետապնդելու խնդիրը մինչեւ

ալքը ընկն Ազգ. ժողովէն խնդրելու:

Արբաղան, Դուք Ձեր բանախօսութեան սկիզբը իդմիրեան դէպքին պատճառը մենք եղանք ըսած էք, և քիչ յետոյ «սոյն դէպքին պատասխանատու չկայ» ըսելով պատգամ կուտաք. այս ի՞նչ տեսակ հակասական և անհասկնալի բանախօսութիւն է որ կ'ընէք...

Արբաղան, կ'ըսէք թէ «Ա'ի' թոյլ տաք որ հակա-«սական գիրք մը ստեղծուի ինծի, այսօր իբր վարչու-«թեան Նախագահը՝ այսինչ խնդրին համար չըջարեա-«կան մը ստորագրող, վաղը՝ իբր Ազգային ժողովոյ «նախագահ՝ անոր հակառակ որոշում մը վաւերացնող»:

Արբաղան, Դուք Ձեր նախագահած իստն և Ազգ. ժողովոյ մէջ մի կարծիք միայն կրնաք յայտնել, և եթէ համամիտ և միաձայն չը գտնուիք, այս մասին Ձեր դիտողութիւնը նշանակելով կրնաք ստորագրել: Ուստի եթէ երբէք սոյն երկու ժողովներն միեւնոյն խնդրոյ մէջ իրարու հակառակ որոշում տան, Ձեզ երբէք հակասական գիրք չստեղծուիր:

Արբաղան, եթէ վաղը Ազգ. ժողովն՝ իստն ժողովոյ երկպառակութեան և արիւնհոսութեան որոմը յանող ըմբոստ որոշումը բեկանէ, Դուք Ձեր կարծիքը միայն յայտնելու և ժողովոյ մեծամասնութեամբ տուած որոշումը գործադրելու պարտաւոր էք ըստ օրինի. Օրէնքը որոշումները միայն գործադրելու և ո'չ թէ վաւերացնելու իրաւունք տուած է Ձեզ. որոշում վաւերացնելու իրաւունքը ո՞ր օրէնքէն ստացեր էք, որ ելի ի դուր կը պաղատիք որ ժողովականներն զՁեզ հակասական գիրքի մէջ չձգեն:

Արբաղան, ալ տարակոյս չը մնաց որ Դուք օրէնքին ոգին ցարդ չէք կրցած ըմբռնել և երեսփոխանաց

«զիս հակառակութեան մէջ մի' ձգէք» ըսելով՝ պահանջած էք որ իստն ժողովոյ ըմբոստ որոշումը անմիջապէս բեկանելու պարտաւորութիւննին չը գործադրեն, հակառակ այն հանդիսաւոր ուխտին զոր բրած էք՝ Ազգային Սահմանադրութեան անթերի գործադրութեանը հսկելու համար: Ի՞նչպէս չապշինք և չը դարմանանք...

Արբաղան, Ազգր ենթակայ եղած տագնապալի կացութիւնէն փրկելու համար հաշտութիւն կ'առաջարկէք:

Մենք վստահ ենք որ երբ Ազգ. ժողովն՝ Ազգր երկպառակութեան և արիւնհոսութեան մ'զող իստն ժողովոյ ըմբոստ որոշումը բեկանէ, այլ և ո երկպառակութեան խնդիր չը մնար, սակայն իրատ ցաւալի է որ փոխանակ օր առաջ սոյն անօրէնութիւնը Ազգային ժողովոյ ընկ տալու, ի դուր հաշտութիւն և ժողովին եռամեայ դադար առաջարկած էք:

Կ'ըսէք նաև թէ «Այս անգամ ալ Ազգ. իշխանութիւնը ռանակոխ չըլլայ, ւէջտեղը որոշում մը կայ»: Անշուշտ, Ձեր «ռանակոխ չըլլայ» ըսած Ազգ. իշխանութիւնը՝ իստն ժողովն է, և Ձեր ակնարկած որոշումն ալ՝ նոյն ժողովոյ որոշումն է: իստն ժողովն իր սոյն հռչակաւոր և ապօրինի ըմբոստ որոշումովն՝ իր մէն գերադաս Ազգ. ժողովոյ որոշումը և միանգամայն Ազգ. Սահմանադրութիւնը ռանակոխ բրած ըլլալն, առանապետին՝ Տօրթօս Սկոյոսեանի՝ բերանացի և պաշտօնական խոստովանութեամբը հաստատուած է:

Արբաղան, արդեօք Դուք՝ Ձեր Ազգ. իշխանութիւն համարած իստն ժողովն և նորա որոշումը նախաձեռնալ կը նկատէք քան Ազգ. ժողովոյ որոշումն և Ազգ. Սահմանադրութիւնը, և կը ձգնիք պաշտպանել զեղծում գործող իստն ժողովն և նորա որոշումն, և

հակառակ Ձեր ուխտին՝ չէր թողուր որ անարգութենէ փրկուի ոտնակոխ եղած Սահմանադրութիւնը:

Սրբա՛ղան, կ'ըսէք թէ «կ'ըսեն որ կոնգակէն դուրս ելեր ենք, երեք ամիս պայմանաժամ տուէք, թո՛ղ ամէն կողմէն խորհուի և Ձեր ամենուն ուղածը ըլլայ, կիրքերը դադրելով, ամէն մարդ պաղարիւնը գտնելով»:

Սրբա՛ղան, դուք Երեսփոխանաց պօլ պօլ խոստումներ կ'ընէք «Թող Ձեր ամենուն ուղածը ըլլայ» ըսելով: սակայն երեսփոխանաց մէկ մասը կաթող. կոնգակին գործադրութիւնը հրամայող Ազգ. Ժողովոյ վրձնոյն գործադրութիւնը, և միւս մասն ալ իստն Ժողովոյ յիշեալ վերջին ընթացքս որոշման գործադրութիւնը կը պահանջեն: Մինչև որ սոյն վերջին որոշումն օրինաց սահմանին մէջ չը բեկանուի, սոյն խնդիրը իր լուծումը չկրնար գտնել:

Սրբա՛ղան, մեր խելքը հասնիր, հասկցուցէք մեզի թէ երկու մասի բաժնուած երեսփոխանաց ամենուն ուղածը ի՞նչպէս կրնայ ըլլալ՝ որ Դուք «Ձեր ամենուն ուղածը թո՛ղ ըլլայ» կ'ըսէք:

Մինչ իստն Ժողովն իր իրաւասութենէն դուրս ելլելով և իր նախորդ որոշումը լզկով՝ Ազգ. Ժողովոյ վճիռը կոխոտած ըլլալը՝ Ձեր բանախօսութենէն մի քանի վայրկեան առաջ՝ իստն Ժողովոյ Ատենապետ Տօքթօս Աղբաբեան էֆէնտին յանուն Ժողովոյ ըրած յայտարարութեամբ և յիշեալ այլանդակ և գայթակղալից որոշմամբ հաստատուած է, Դուք, իստն Ժողովոյ իր իրաւասութենէն դուրս ելած ըլլալուն ակնհերեւ և անհերքելի իրողութիւնը պարտկելով և խեղաթիւրելով, իստն Ժողովոյ վրայ պատասխանատուութիւն չէք

ուզեր ձգել և «կ'ըսեն թէ կոնգակէն դուրս ելեր ենք» ըսելով կը բաւականանաք:

Սրբա՛ղան, ինչպէս ըսինք, մինչև որ մէջտեղ գտնուած ըմբոստ որոշումը ըստ օրինի չեղեալ չը նշկատուի, ինքիւր չկրնար լուծուիլ, և այս լուծումն ալ միմիայն ամբողջացեալ նիստի մը կարօտ էր: Այսչափ բան մը չկրցա՞ք հասկնալ որ ի դուր երեք ամիս մտածելու համար դադար պահանջեցիք և հակասական նոր դիրք մ'ալ ստեղծեցիք Ձեզ համար...

Սրբա՛ղան, 52 երեսփոխանի ներկայութեամբ եղած նիստին ըստ օրինի չեղեալ ըլլալն արդեօք չէ՞ք գիտեր որ, քարտուղար Հրանդ Մարգարեանի թելադրութեանը խարուելով նպաստիցէն իրեն բաժին հանելու համար՝ այդ զեղծարար քարտուղարին նամակ գրելու զիջանող, և այսպէս ո՛չ միայն Պատրի. փոխանորդութիւնը, այլ և ինքզինքը կառավարելու իսկ անկարողութիւնը օրինապէս հաստատուած՝ Ձեր սիրական փոխանորդը Դեռնդ Ծ. վարդապետին ի նպաստ Ձեր հիւսած պաշտպանողականով Ձեր դիրքին ազդեցութեամբ իստն Ժողովէն կորցած անպարտութեան որոշումը հապճէպով վաւերացնել տալէջ յետոյ, Ձեր՝ արտասուլից աչերով և յուզեալ ձեւերով անհասկնալի բանախօսութեամբ երեք ամսոյ դադար պահանջեցիք և, առանց խորհրդակցութեան, միայն Ժողովոյ Ատենապետէն հաւանութիւն կորցելով, Ազգ. Ժողովը անել և անորոշ կացութեան մը մատնեցիք:

* * *

Սրբա՛ղան, այստեղ աւելորդ չեմ համարիր ինքերէն դուրս մի քանի պարագայներ ևս յիշել, յատակ կեր-

պով առաւել ևս ապացուցանելու համար թէ Դուք բուրովին անյարմար և անկարող էք Պատրիարքութեան բարձր և փափուկ պաշտօնին:

Սրբազան, Դուք Ձեր անձնական և պաշտօնական հանգամանքները մէկզմէկէ զանազանելու անկարողութեամբն՝ փոխարժէքը կիլիկիոյ որբերուն և Ազգային Հիւանդանոցին տրուելու նպատակաւ: Ձեր Հովուական-Սրիկնդ և կոնդակները ծախելու համար Ձեր պատրիարքական բարձր պաշտօնին ազդեցութիւնը չարաչար կիրարկելով՝ եկեղեցիները չափաւ գարծուցիք, մինչ կրնայիք Հիւանդանոցի և կիլիկեան որբերուն յատկացնել Ձեր հրաժարեալ վիճակի վեց ամիսներու թոշակը, զորս օրինօք առնելու երբեք իրաւունք չունէիք, և վերադարձնելու պիտի դատապարտուէիք, եթէ անաչառ և օրինաց նախանձախնդիր Ազգային ժողով մուսնենայինք:

Սրբազան, Դատաս. Խորհրդոյ Նախագահ Ղևոնդ Տ. վրդ. Դուրեան և անգամ Ագրիպաս էֆ. Դուրեան, Ձեր ազգականը և եղբայրը գտնուելնուն համար, իրր Ատենապետ սոցա պաշտօնանկութիւնը պահանջելով՝ Ձերդ Սրբազնութեան մատուցած 1 յուլիս 1909 թուականի բողոքագիրս ըստ օրինի Խառն ժողովին չը յանձնելով՝ մինեկտ աղբը ըրիք:

Ձեր փոխանորդը և եղբայրն Ձեր ամենազօրաւոր պաշտպանութեանը և ազդեցութեանը չնորհիւ՝ Խորհրդոյ միւս անդամներն ալ իրենց քաշելով, ինձ հետ իբր Ատենապետ չը գործակցիլը որոշած և նիստերը երեք ամիս դադրեցուցած ըլլալնին տեղեկագրեցի և ամենուն պաշտօնանկութիւնը պահանջեցի. ասոր վրայ՝ յիշեալ դատախազներս հակառակ օրինաց՝ զիս ա-

Ատենապետութենէն և անմիջապէս ետքն ալ «երեք անգամ բացակայ գտնուեցար» ըսելով անդամակցութենէ իսկ հրաժարեցուցին. այս ապօրէն որոշման ջնջումն և վերստին պաշտօնավարութիւնս վճռելն խնդրելով մատուցած և առ ի բացատրութիւն թէ՛ նախորդ և թէ՛ արդի Խառն ժողովոց կողմէ Դատաս. Խորհրդոյ յղեալ բազմաթիւ բողոքագրերուս և անհամար դիմումներուս հակառակ՝ «յիշեալ Խորհուրդն ամառուսն տաքերուն պատճառաւ երեք ամիս ինքնիրեն արձակուրդ տուած և դատարանը փակած ըլլալուն հետեանօք՝ ուզուած բացատրութիւններն և թղթերը բերել տալ անկարելի եղած ըլլալը» թէ՛ Դուք, Սրբազան, և թէ՛ Դիւանը ինձ բաղմիցս յայտարարած էք:

Սրբազան, մինչ Սահմանադրութիւնը երեք անգամ բացակայ գտնուող ժողովական մը հրաժարեալ կը համարի, Դուք Դատաս. Խորհուրդն իր քմահաճոյքին և զբօսանքին համար միայն իր նիստերը երեք ամիսներ դադրեցուցած ըլլալը կը տեսնէք և անտարբեր կը գտնուիք: Կեցցես, Սրբազան, Սահմանադրութեան անթիւրի գործադրութեանը հսկելու համար ըրած երգումնիդ չա՛տ աղէ՛կ կը կատարէք...

Սրբազան, տարիէն աւելի է «դատ արա՛ ինձ» ըսելով յամառաբար կը յաճախեմ Ձեզ և վարչութեան ժողովներուն: Դուք Օրէնքը և Օրակարգը փաշապիւս և զիս խաղալիկ դարձուցիք:

Դուք, Խառն ժողովոյ որբակրօն արգամիսն՝ ր, ամէն օր պատարագ կ'ընէք և Աստուծմէ չէք վախնար. իմ դատախազներս և պահանջած թղթերս ժողովի չէք բերեր, և Սրբազան Պատրիարքին խաթիւրը համար իր փոխանորդը և եղբայրը կը պաշտպանէք և Օ-

րէնք և Արդարութիւն ոտնակոխ կ'ընէք:

Դուք, Դուրեան Սրբազան, Աստուծոյ Հը վախ-
ցող և ի մարդկանէ չամբըցող անիրաւ դատաւորէն ալ
կրկնապատիկ անխիղճ էք, զի նա վերջապէս այրիին
տուած զլիսացաւէն ազդուելով դատը տեսած է, մինչ
Դուք, բազմիցս զՁեզ անհանգիստ ընելուս և «անիրաւ
դատաւորէն աւելի անխիղճ և անզգայ և միանգամայն
ուխտադրուծ» որակելուս հսկառակ՝ Ձեր եղբայրը և
Փոխանորդը պաշտպանելու անդիմադրելի տէնդէն բըռ-
նուած՝ խուլ և համր մնացիք մեր բոլոր արդար խողով-
ներուն դէմ:

* * *

Սրբազան, Ձեր՝ ինձ ուղղեալ 15 Սեպտ. 1910
թուակիր և 925 համար նամակն ստացայ որ կ'ըսէ թէ
«Ազգ. վարչութեան իստն ժողովը գոհութեամբ աւ-
դեկացաւ որ Ձեր Ազնուութիւնը տրամադիր կը գտնուի
չարունակելու Դատաս. Խորհրդոյ անդամակցութեան
պաշտօնը, և հետեւաբար որոշմամբ իստն ժողովոյ՝ կը
հրաւիրենք Ձեր Ազնուութիւնն որ հաճի ըստ առաջնոյն
նախընտրել իր աջակցութիւնը Դատաս. Խորհրդոյ և ներ-
կայ դանուի Անոր նիստերուն: Հարկ չէ ըսել թէ այս
մասին կարեւորը գրուած է նաև Դատաս. Խորհրդոյ
Նախագահին»:

Ձեր վերոյիշեալ նամակին ակնարկած իստն ժո-
ղովոյ որոշումէն հասկցանք որ Դուք, Պատրիարք և
Ազգ. վարչութիւն, ձեռք ձեռքի տալով, թէ՛ յանուն
օրինաց և թէ՛ անձնապէս բացած դատիս մէջ բրած
պահանջումներս բարձի թողի ընելով և խեղաթիւրելով,
և Դատաս. Խորհրդոյ անդամակցութեան պաշտօնը չա-

րունակելու փափաք միայն ինձ վերագրելով, և իբր
Ձեր հոգեհատորներուն երգուեալ պաշտպան, նոցա՝ իմ
դատիս նիւթ եղած օրինազանցութիւնները զիտմամբ
նկատի չառնելով, Օրէնքը, Արդարութիւնը և իմ օրի-
նաւոր դատս ձեռքերնիդ բացարձակապէս խաղալիկ և
թատերական այլանելի խաղ մը դարձուցիք...:

Սրբազան, ամէն անգամ որ դատս հետապնդելու
համար Ձեզ և Ձեր նախագահած ժողովոյ ներկայացայ,
Դուք, համր և լուռ և անտարբեր մնացիք, և ժողովա-
կաններուն չափերն իսկ՝ փոխանակ անկողմնակալաբար
իմ դատս լսելու, ինձ դէմ ասելութեան և ջրագրգոռ-
թեան և զՁեզ ինքնաբերաբար պաշտպանելու տենդէն
բռնուած՝ զիս ժողովաւորահէն վտարելու ձգտումներ իսկ
ունեցան:

Անհերքելի իրողութիւն մ'է որ Դուք, Ձեր հոգե-
հատորներուն դէմ բացած դատս չլսելու երդուած և
ականջնիդ խցած էք, ինչպէս որ իմ 1 Յուլիս 1909
առաջին բողոքագիրս քովիւնիդ պահելով, ժողովոյ չէք
յանձնած, և Ձեր ժողովականներն ալ՝ Ձեր խաթերն
համար ոչ միայն Ձեզ հետեւեցան, այլ դատիս ինչ ըլ-
լալը հասկնալ չուզելով՝ ինձ դէմ դատախազ կանգնե-
ցան:

Սրբազան, Ձեր բռնած ընթացքին անօրէն և նորա
հրապարակումը այլանելի ըլլալն արդեօք զգալիմիդ
է որ, Ձեր զիւանը սոյն որոշումը, ինչպէս սովոր է,
մամուլին հաղորդելու քաջութիւնը չունեցաւ բացա-
ռաբար, իբր անհեթեթ և արտաոտոց արտադրութիւն
Ձեր վարչական և մտաւորական գործունէութեան:

Աստուած՝ իմ, այս ինչ զգայացունց խաղ է զոր
կը խաղան Պատրիարք և Ազգ. խորհուրդն համարեալ



Պատկանելի իսկոն ժողովն՝ Օրէնք, Արդարութիւն,
Պաշտօն և Ուխտ ոտնակոխ ընելով . . .

* * *

Ազգ. Սահմանադրութիւնը անխախտ պահելու նուիրական պաշտօնին կոչեցեալ երեսփոխաններ .

Խառն ժողովոյ վերոյիշեալ ասօրէն որոշման և ցարդ սոյն դատիս մէջ ըրած օրինադանցութեանց այլևս չկարենալով հանդուրժել, կը բողոքեմ, և որովհետեւ Ազգ. ժողովն իր թ օրէնսդրական մարմին՝ դատելու և վճռելու իրաւասու դատարանի հանգամանք չունի, կը խնդրեմ որ իմ դատս օրինապէս տեսնելու և օրինադանցութիւնները պատժելու համար՝ տեսորակիս վերջաւորութեանը մէջ կազմելը առաջարկուած Վճռարեկ Դատարանը օր առաջ կազմէք, որպէս զի կարենամ անոր գիմել՝ իմ թէ՛ անձնական և թէ՛ սահմանադրական իրաւունքներս պահանջելու համար:

Եւ որովհետեւ տարիէ մը ի վեր բողոքիս ձայնը չկրցայ լսելի ընել ո՛չ միայն Վարչութեան, այլ և Պատկ. Ազգ. ժողովիդ, որոյ գիւանին վրայ կը գտնուի դատիս առթիւ մատուցած բողոքագիրս, հարկ համաբեցի սոյն գրքոյկս թարգման կացուցանել՝ ձայնս Ձեզ հասցնելու համար:

* * *

Որբա՛զան, մինչ Ընդհ. Հայրապետն՝ եկեղեցեաց մէջ միայն կուսակցական և քաղաք. ասենախօսութիւնները, իսկ Դուք՝ Ձեր նախադահած իսկոն ժողովով՝ ամէն կարգի ասենախօսութիւնները արգիլեցիք և անիրաւ տեղը արիւնհեղութեանց տեղի տուիք. ցաւալի չէ՞ արդեօք տեսնել որ լրա-

գիրները՝ եկեղեցւոյ Ս. Խորհրդոց միայն յատկացեալ Այսօր անձառ, շուտուն ծագումն և փասն ի վերոստ խաղաղութեան և փրկութեան. Եւայն, Եւայն, ծէսերն և արարողութիւնները կ'այլափոխեն և կը ծաղրեն. ժողովրդեան քով միայն նշոյլը մնացած բարեպաշտութեան զգացումը կ'աւրեն և զնա կը դայթակղեցնեն, քիկ վեհափառն իրր կրօնապետ և Դուք իրր Պատրիարք և Ազգ. Վարչութիւն, Ձեր Երկուքին պաշտպանեալ կարգ մը երիտասարդ անփորձ և փոստամու վարդ.ները եղիսկոսացնելու կը վատնէք Ձեր ժամանակն, և եկեղեցւոյ և նորա ժողովրդեան ենթակայ եղած կրօնական և հոգեկան դայթակղութիւններէն փրկելու միջոցները սղրպտելու և հետազօտելու տեղ՝ անտարբեր ականատես վկայ կը հանդիսանաք սոյն դայթակղութեանց:

Եկեղեցական խորհրդոց արարողութիւնները ծաղրել, եկեղեցին ծաղրել չէ՞ . . . Ի՞նչ բանի համար Դուք Եկեղեցւոյ Գլխին Եւ Գլխին ԿԱՅՈՒՑՈՒԱՅ ԻՔ . . .

Եթէ երբեք եկեղեցին սրբութիւնը պաշտպանելու և ժողովրդեան դայթակղութեան տեղի չտալով՝ նորա բարեպաշտութիւնը պահպանելու օրինաւոր միջոցները գտնելու և Ձեր պարտականութիւնները կատարելու անկարող էք, խոստովանեցէք զայս և քաշուեցէք Ձեր աթոռներէն: Եկեղեցական խորհրդոց ծէսերն յրազրաց ծաղրուծանակէն ազատելու միջոցը շատ գիւրին է գտնել մեզ համար:

Այլ այսուհետեւ եկեղեցին թո՛ղ դադրի «Եւս առաւելին մէջ մեր եպիսկոպոսապետին և պատուական հայրապետին», ինչպէս և երուսաղէմի և Կ. Պոլսոյ Պատգիարքներուն համար «աւուրս երկայն ուղիղ վարդապետութեան» մաղթելէ:

* * *

Սրբազան, Ազգ. Ժողովոյ մէջ. Օրմանեան Պատրիարքի
ատենուան խանութի Ժողովոց համարատուութիւնը պատրաս-
տելու համար մասնաւոր ամսականաւոր պաշտօնեայ վար-
ձելու պէտք տեսնուած և սակայն Ազգ. Սնտուկին անձկու-
թեանը պատճառաւ, խնդիրը վերջութեան յանձնուած
ըլլալն իմանալով, Ձեզ ղեկմեցի և իմ 40 տարիէ ի վեր
վարած հարցաքննիչ դատաւորի, ընդհանուր դատա-
խազի, դատական քննիչի պաշտօններու և երբեմն
իսկ առաջին կարգի փաստաբանի արտօնադրուլս պե-
տական ամէն դատարանաց առջեւ ըրած փոխանորդու-
թեանցս մէջ ստացած երկար փորձառութեամբս՝ վերո-
յիշեալ համարատուութիւնը ձրիաբար և ազգասիրաբար
կատարելու կարող և պատրաստ գտնուիլս պարզեցի և Ձեզ
մատուցի Մկրտիչ Խրիմեան և Ներսէս Վարժապետեան
Պատրիարքաց ինձ ուղղած նամակները, որոց պատճէն-
ները ահա ասիկ :

ՊԱՏՐԻԱՐԿԱՐԱՆ ՀԱՅՈՑ

Պ. Ի. Ն. Ն.

Քաղաք. Ժողովոյ Ազգ. վարչութեան
Թիւ 378

Մեծապատիւ Էֆէնտի

Ազգ. վարչութեան Ուսումնական Խորհրդոյ ան-
դամներէն միոյն հրաժարման պատճառաւ անդամոց
պակասած թիւը Քաղաք. Ժողովն այս անգամ լրացուց
և Ձեր Ազնուութիւնը նոյն Խորհրդոյ անդամ ընտրեց:
Այս ընտրութիւնը որ Քաղաք. Ժողովոյ Ձեր վրայ
ունեցած համարման մէկ գրաւականն է, շնորհաւորելով
Ձեր Ազնուութեան, կը խնդրենք որ բարեհաճիք ազ-

գասիրաբար յանձն առնուլ սոյն ազգային կարեւոր և
փափուկ պաշտօնը յոր կոչուած էք, և Ձեր աջակցու-
թիւնը մատուցանել Ուսումնական Խորհրդոյ որ վաղը
Դշ. ժամը 5ին իր սովորական նիստը պիտի կազմէ ի
Խորհրդարանն Ղալաթիոյ:

Մնաւն աղօթքս րար

Մ. Կ. ԽՐԻՄԵԱՆ

2 Յունիս 1873

ՀԱՄԱՐ 11

Մեծապատիւ Էֆէնտի

Ազգային վարչական կազմակերպութեան Օրինաց
32րդ յօդուածին տրամադրութեան համաձայն, վար-
չական Խորհուրդն զՁեր Մեծապատուութիւնն կեղբ. Դա-
տարանին Ամուսնական սենեակի անդամ ընտրած է:

Սոյն փափուկ պաշտօնին համար Սահմանադրու-
թեան պահանջած յատկութիւններն ի Ձեզ ամփոփեալ
գտնելէ ի վատ, Ձեր հմտութիւնն և փորձառութիւնը
հանրածանօթ լինելով, կը փութամ սոյն ընտրութիւնն
հաստատել և հրաւիրել զՁեզ ի ձեռնարկութիւն սոյն
կարեւոր պաշտօնին:

Վստահ եմք որ Սահմանադրական իրաւամբ Ձենէ
խնդրուած աջակցութիւնը չպիտի զլանաք սոյն պարա-
գային մէջ և ազգասիրաբար ընդունելով Ձեր պաշտօնը,
պիտի օժանդակէք ազգային գործոց բարեօք մատակա-
րարութեանը, որոյ համար յաջողութիւն և Աստուածային
օգնութիւն մաղթելով Ձեզ:

Մնաւն աղօթքս րար

ՆԵՐՍԷՍ ԱՐԲԵՊԻՍԿ. ՎՐԺ.

26 Նոյեմ. 1880

Ի Պատրիարքարանի Հայոց

Ի Կ. ՊՈԼԻՍ

Սրբազան, Դուք սոյն նամակները կարդալէ ետքը, իբր՝ զիտակաւն և հեռաճեւ մարդ, «Ձեր այս նամակաց մէջ յայտնուած մտաւորական երիտասարդական կորովը հիմակ չէ մնացած, վասնզի տարիքնիդ առաւ էք: Տեսէք, ես հիմակ 50 տարեկան եմ և մինչեւ 60 տարեկան կրնամ աշխատիլ. անկէջ վերջը գործէ պիտի քաշուիմ» ըսեալով ինձ, պարզապէս Ձեր երիտասարդական մտաւորական կորովն, դատողութիւնը և տրամաբանելու կարողութիւնը շատոնց ի վեր կորսնցնելու ճամբուն մէջ ինկած ըլլալնիդ ինձ զգացնել տուիք, բան մը զոր Ձեր վերոյիշեալ գլուխ գործոց անտրամաբանական, հակասական և անհեթեթ բանախօսութեան բոլոր պարբերութիւնները անատարկելի կերպով կր հաստատեն և բանախօսութիւն մը որ՝ գիտականօրէն՝ մանկութեան վեջ ինկածի խեղապահակին միայն յատուկ է:

Վերոյիշեալ համարատուութեանց պատրաստութիւնը Պատրիարք սրանի պաշտօնէութեան յանձնուիլը երկու ամիս առաջ Ազգ. ժողովոյ մէջ առաջարկուած պահուն, պաշտօնէութեան զբաղեալ վիճակը առարկելով արդեւք հանդիսացած ըլլալնիդ և իմ՝ նոյն համարատուութիւնները ձրխապէս պատրաստելու առաջարկութիւնս ի՞նչ չուտով մոռնալով, այս անգամ երկու քարտուղարի 20 ական ոսկի վարձք տուիք: Արդեօք զբամական հատուցումն է՞ որ նոյն գործը տեսնելու տրամադրելի ժամանակ կը հայթայթէ նոյն պաշտօնէից: Ի՞նչ հակասական և անըմբռնելի ընթացք է այս: Ասկէ դատ, իմ՝ առաջարկած ձրի և անձնուէր աշխատութիւնս աւելի նախամեծար էր թէ՛ յայտնա ազգային Մատուկին ի վնաս կատարուելիք ամսականաւոր պաշտօնէից մասնաւոր վարձքով աշխատութիւնը: Սրբազան, Դուք հանրային

չահը մասնաւորին չահէն զանազանելու և պաշտպանելու կարողութիւնն ալ չունիք եղեր . . . :

* * *

Սրբազան, Պատրիարքարանի մէջ, Խորէն Աշքեան Պատրիարքէն իբր բարենորոգման սկզբնական յիշատակ մնացած, սակայն տարաբաղդաբար, Պատրիարքարանը՝ ցարդ անօրինութիւնը և իր քմահաճոյքն ամէն օրինաց գերազանելու ունակութիւնը իրեն չահերուն աւելի նպաստաւոր զանելուն պատճառաւ՝ դրեթէ կրօնական և փաղաքական ժողովներուն տեսանքը չը հանելով լքեալ վիճակի ենթարկած՝ Դատաւարութեան կարեւոր համաոտ Հրահանգը երկար աշխատութեամբ ընդլայնելով պատրաստած ընդարձակ Դատաւարութեան Օրինագիծս, ինչպէս նաեւ Պատրիարքարանի և պաշտօնէից և ժողովոց միջև փոխանակուած պաշտօնաթղթերուն՝ գիտակցութեամբ անհետացման, կորստեան և չարաչար կիրարկման և զեղծման տեղի չտալու համար բոլոր խնդրագրոց և պաշտօնաթղթերուն ստացագրով փոխանակուելու անհրաժեշտ պէտքը շեշտող Օրինագիծս, նոյնպէս ուրիշ իրատ կարեւոր մէկ Օրինագիծս, ասկէց երկու տարի առաջ Պատն ժողովոյ մատուցած, և ի վերջոյ սոցա ուսումնասիրութեան և վաւերացման համար իբր Ատեւնապետ Դատաւորական Խորհրդոյ՝ գրած գրութիւններս և բազմիցս բերանացի բրած պահանջումներս ցարդ ուշադրութեան չեն առնուած, մինչ Ձեր նախագահած ժողովներն և Դուք ցարդ առանց օրինադրքի գործ տեսնելով՝ աներեւակայելի և անլուր ապօրինութեանց մէջ ինկած էք, որուն իբրեւ ապացոյց,

առ այժմ միայն Կրօնական Ժողովոյ արձակած մէկ քանի անհեթեթ և գայթակղելի վճիռներն այստեղ յառաջ կը բերեմ:

* * *

Ասկէց ինը տարի առաջ Պապական Գէորգ քհնյ. կինը ողջ գտնուած Բաղէշցի Կրպտ. Պետրոսեանը պսակած ըլլալուն համար, Կրօն. Ժողովոյ կողմանէ ի բացակայութեան երեք ամիս փիլոնազրկութեան դատապարտուած, և պալին ալ լուծուած էր: Յիշեալ քահանային դիտողագրոյն վրայ, Ժողովը խնդիրը ի ներկայութեան քննելով, նախորդ վճիռը ջնջած և անպարտութեանը վճիռ տուած էր: Ժամանակ մը ետքը Կրօնական Ժողովը երրորդ անգամ խնդիրը քննելով, Բաղէշցիին կնոջ ողջ կամ մեռած ըլլալը՝ ճամբաներուն հաղորդակցութիւնը ձմեռան առթիւ դադարեցուն հետեւանսք՝ ստուգել անկարելի եղած ըլլալը տեղւոյն Առաջնորդէն ծանուցուած ըլլալուն հակառակ, յիշեալ քհնյ. պատասխանատուութիւնը վրան առնելով պսակած ըլլալուն համար՝ 15 աւուր փիլոնազրկութեան դատապարտած է:

Այս երեք անգամ տեղի ունեցած դատաւարութեանց ո՞ր աստիճան արտաոռոց, անիրաւ և ապօրինի ըլլալը ի ստորեւ մի առ մի պարզել հարկ անհրաժեշտ համարեցի:

1. Սրբազան, քանի որ մէջտեղը պսակ և ամուսնութեան խնդիր կար, պարտաւոր էիք սոյն դատին քննութիւնը Դատաստանական Խորհրդոյ յանձնել և ո՛չ թէ Կրօնական Ժողովոյ, որ ըստ Սահմանադրութեան 28րդ. յօդուածի, սոյն դատը տեսնելու երբէք իրաւասու չէ:

2. Կրօնական Ժողովը Պապական քահանային անպարտութեանը համար կանխապէս տուած վճիռը ինքնաբերաբար ջնջելու և նորէն 15 աւուր փիլոնազրկութեան դատապարտելու օրինապէս երբէք իրաւասութիւն չունէր: Ինչպէս որ սովոր է լզել իր նախապէս տուած որոշումները (*), այս անգամ ալ յիշեալ քահանային անպարտութեանը նկատմամբ տուած որոշումը լզած և 15 աւուր փիլոնազրկութեան դատապարտած և Օրէնքը խաղալիկ ըրած է:

3. Պապական քահանային վերադրեալ արարքը երրորդ դատաւարութեան միջոցին ալ միեւնոյն արարքն էր, և էջտեղը մեղմացուցիչ պարագայ մ'ալ չի կար. ի՞նչպէս և ո՞ր օրինօք՝ առաջին անգամ Ձեր տուած երեք ամիս փիլոնազրկութեան պատիժը 15 օրուան կը զեղչէք:

4. Սրբազան, քանի որ Բաղէշցիին կնոջ ողջ կամ մեռած ըլլալն առ այժմ ստուգել անկարելի գտնուիլը Առաջնորդական պատասխանազրկէն հակացուած է, Պապական քհնյ. պատասխանատուութիւնը իր վրան իսկ առած ըլլայ, այս պարագան զինքը երբէք օրինօք պատասխանատու ձգելու հանգամանքը չունի: Այս ապօրինի պսակին միակ պատճառ և պատասխանա-

(*).—Օրինակ՝ «բաց ու գոց» ի խնդիրը, որուն մէջ եկեղեցիները ատենախօսութեանց առջև անխտրաբար բաց ձգելու մասին նախապէս տուած որոշումը լզելով և մինչև իսկ կաթողիկոսական կոնդակին դորձադրութիւնը հրամայող Ազգային Ընդհանուր Ժողովոյ անգառնալի վճիռը առաթուր ընելով՝ ի վերջոյ վճուեց իսպառ գոցել եկեղեցիները:

տուն՝ Հրամանին կնքող նախորդ Պատրիարքական փոխանորդն է (Պարբրէլ Նորատունկեանի մօրեղբայր Գարր. Կպիակ. Ճէվահիրճեան), հետեւաբար պատանխանատութիւնը՝ «վրան առած է» ըսելով՝ զայն Պաղատան քահանային վրայ բնոցնել և զանիկայ 15 առու փիլոնաղրկութեան դատապարտել և ոճրին հեղինակը այսպէս ազատ և անպարտ կաջուցանելով՝ անհանգստութիւնի զեղծում և անիրաւութիւն գործած էք:

Սրբազան, Սուրբ Աւետարանը առանց բանի պռնկելութեան իր կիներ ձգողը շնացեալ կը հռչակէ. Ըսէք մեզի, կ'աղաչեմ, այս գործին մէջ չնացողը՝ իր կնոջ մեռած ըլլալը ստուգելով իրեն ամուսնութեան հրամանի տրուելը խնդրող Բաղէշցիին է, թէ՛ սոյն հրամանին անպատկառօրէն տուող և ոճիրը գործող Պատրիարք. Փոխանորդն է...

Սրբազան, հոս ոճիր մը գործուած է պսակին գէմ, որով կոյս մը իբր օրինաւոր ամուսին իրեն տրուած անձին իր կոյսութիւնը և ամենայն ինչ. . . յանձնելով, ինք ապրի նորա ֆէյֆին անձնատուր կ'ըլլայ, և միւս կողմէն ալ նոյն անձին օրինաւոր կիներ ողջ ողջ իր ամուսնոյն հանդէպ ունեցած իրաւունքներէն կը զրկուի, և յետոյ «սխալ եղեր է» ըսելով՝ վերջին պսակը կ'աւրուի:

Սոյն ոճիրին գործուելուն առթիւ, ոճրին հեղինակը հանգիսացող Պատր. Փոխանորդը՝ յանուն Ս. Պսակի տեղի ունեցած կուսապղծութեան և սրբապղծութեան համար ծանր պատժոյ ենթարկելու և նոյն անիրաւեալ կնոջ բարոյական և նիւթական վնասուց հատուցման դատապարտելու պարտաւոր գտնուելուդ հակառակ՝ յիշեալ վնասներն անտեսելով, միայն սխալով քահա-

նան 15 առու փիլոնաղրկութեան կը դատապարտէք, այն քահանան որ ոճիրին հեղինակը չէ(*), իսկ ոճրին ենթական կը լքէք:

Սրբազան, Դուք այս կուսապղծութեան և սրբապղծութեան միակ պատիժ միմիայն 15 առու փիլոնաղրկութիւն որոշելով՝ այլևս Ս. Պսակը և կոյսութիւնը խաղալիկ դարձուցած էք, և որովհետեւ յանուն Ս. Պրնակի գործուած կուսապղծութեան հրաման տուողը որ և է պատժոյ չէք ենթարկեր, և միայն սխալով քահանան 15 առու փիլոնաղրկութիւնով կ'պատժէք, ասով յանուն Ս. Պսակի բազում զայնակողութեանց տեղի տուած չէք ըլլար. . . :

Սրբազան, երբ Դուք իբր քահանուր հսկող կրօնական գործոյ՝ Ձեր նախապահած Կրօնական Ժողովոյ հետ Ս. Պսակի խորհուրդը այս աստիճան կ'անարգէք, ժողովուրդն ի՞նչպիսի վերաբերում կրնայ ունենալ յայս սրմհետ. . . :

* * *

Ս. Ճերահանի, իր կնոջ՝ Գոհարի՝ անբարոյութիւն վերագրելով լացած ամուսնալուծման դատին

(*).—Կրօն. Ժողովոյ որոշումը ծանուցանող և քահանային ուղղեալ Պատր. Փոխանորդին նամակին մէջ բնուած է թէ յիշեալ քահանան նոյն պսակը «ճիշտաբար և առանց չարաչանութեան կատարած ըլլալուն համոզում գոյացում է»։ Ահա ասիկ պարագայ մը որ ա՛յ տեղի կը չեղտէ քահանային նկատմամբ կրօն. Ժողովին արձակած վճռոյն անարդարութիւնը:

դատաւարութեանը միջոցին, յիշեալ կնոջ կենցաղի մասին տեղական քննութիւն կատարել հարկ տեսնուելով, այս առթիւ գրուած պաշտօնագրոյն 'ի պատասխան' յիշեալ Գոհարի անբաժիր վարուց տէր ըլլալը հաստատող Բերայի Թաղական Խորհրդէն եկած 31 հոկտ. 1906 թուակիր նամակը 'Գատաստանական Խորհրդոյ քարտուղար Պ. Նշան Փափաղեան 2 ամիս և ատանց պատճառի պահելով, ի վերջոյ միեւնոյն Թաղական Խորհրդէն ինքնաբերաբար երկրորդ անգամ եկած և Գոհարի ամբարոյութիւնը ծանուցանող 25 յունվար 1907 թուակիր նամակը միայն 'Գատաստանական Խորհրդոյ նկատառման յանձնելուն հետեւանօք, սոյն վերջինը Գոհարի անբաժնութիւնը ապացուցեալ համարելով' ի բացակայութեան ամուսնալուծման որոշում տուած և երկու կողմին հաղորդած է:

Գոհարի տուած դիտողագրոյն վրայ' ի ներկայութեան տեղի ունեցած դատաւարութեամբ, նորա անբաժիր կենաց տէր ըլլալը չեղտող վերոյիշեալ 31 հոկտ. թուակիր նամակին գոյութիւնը հասկցուելով, նոյն վճիռը կը ջնջուի և Գոհարի անպարտութեան որոշում տրուելով, դատը իր նախորդ վիճակին կը վերածուի:

Կրօնական Ժողովն՝ ըստ 28րդ յօդուածի Սահմանադրութեան՝ սոյն դատը ինքնին վերաքննելու իրաւասութիւն չունէր, և քանի որ երկու ամուսնոց միջեւ կենակցութիւնը անկարելի դարձած ըլլալուն վրայ հիմնուելով 'ի նորոյ ամուսնալուծման դատ չէ բացուած, Կրօնական Ժողովը՝ այս ամուսնոց միջեւ կենակցութեան անկարելիութիւնը ինքնին յառաջ բերելով՝ ամուսնալուծման որոշում տալը անհեթեթ է:

* * *

Մաքրուէի (ծնեալ Կ. Սսկերիչեան) իր ամուսնոյն՝ Ոսկերիչ Գասպար Փափաղեանի՝ դէմ բացած ամուսնալուծման դատը նախորդ 'Գատաստանական Խորհրդը տեսնելով և լսուած վկայութիւնները բաւարար չը համարելով՝ Գասպարի անպարտութեան վճիռ արձակած էր:

Կրօնական Ժողովն այս դատն ալ ատանց իրաւասութեան ստանձնելով, արդի 'Գատաստանական Խորհրդոյ կը հարցնէ թէ «վերոյիշեալ վճռագրոյն մէջ յիշուած վկայութիւններով սոյն դատը ապացուցեալ կը համարուի՞ թէ ոչ, և Խորհրդէն հաստատական պատասխան տանելով՝ նախորդ 'Գատաստանական Խորհրդոյ վճռագիրը հակառակ օրինաց կը ջնջէ և ամուսնալուծման և ինչպէս նաեւ Գասպարի եկեղեցական հաղորդակցութեանէ զրկման որոշում կուտայ. որոշումը որ հետեւեալ պատճառներով ապօրինի է:

1. Արդի 'Գատաստանական Խորհրդը իր նախորդին վճռագրոյն մէջ ցուցուած ապացուցներուն անբաւականութեանը մասին տուած որոշումը գնահատելու և ջնջելու օրինօք երբէք իրաւասութիւն չունի: 2. 'Գատարան մը իր վճռելիք դատին ապացուցները անձամբ լսելու և գնահատելու պարտաւոր է:

Ուստի, Սրբազան, Կրօնական Ժողովոյ՝ այսպէս արդի 'Գատաստանական Խորհրդոյ կարծիքին վրայ հիմնուելով և նախորդ 'Գատաստանական Խորհրդոյ որոշումը ջնջելով, ամուսնալուծման և Գասպարի իսկ եկեղեցական հաղորդակցութեանէ զրկման համար տուած որոշումը անհեթեթ է և գայիտակցեցուցիչ:

Սրբազան, Չէր նախագահած Կրօնական Ժողովոյ տուած այսպիսի անիրաւ, անօրէն և անհեթեթ անհա-

մար որոշումներուն զոյովեանը անհերքելի վկայներ են իր (Կրօն. Ժող.) աստեղագրութիւնները:

Սրբազան, Դատաստանական Խորհրդոյ գէմ իբր Ատենայեալ բացած և ըստ օրակարգի և օրինաց՝ հարկաւորապատիկ առաջնութիւն և նախապատուութիւն ստացած դատս տարիէն աւելի է ամէն ազգեցութիւն բանեցնելով ձգձգեցիք. Խորհրդոյ նախագահ և Ձեր ազգական Ղևոնդ Մ. վրդ. և անդամ և Ձեր եղբայր Ագրիպաս էֆ. Դուբնանները պաշտպանելու տենչով, և օրէնքն ու օրակարգը քուրջի կտոր և Ձեր քմահաճոյցի խաղալիք դարձուցիք և ասով արգարացուցիք այն անքասիր կեանքն որուն վրայ միայն յետով Ձեր հոգեւոր ծնողը Ձեզ նման օրինաց պահանջած քուրջոյ յասկուքիսներէն զուրկ, անփորձ և անկարող վաճակաւ մը Պատրիարքական Գահը բարձրացնելու ոգի ի բառին աշխատելով, զՁեզ իրեն յաջորդ ընտրել տալէն վերջը միայն՝ ոտքը Պատրիարքանէն զուրս հանեց. և Դուք Ձեր հոգեւոր ծնողին ծառայութիւնը վարձատրեցիք ոչ միայն Ձեր անձնական ֆակը համարած Ազգային Մատուկէն հակառակ օրինաց վճարելով՝ անոր Կաթողիկոսական պաշտօնը վաւերացուած օրէն մինչև Կ. Պօլսէն մեկնած օրը իր նախորդ պաշտօնին յատուկ աւուականները, այլ և նորա՝ Ազգային Սահմանադրութիւնը խորտակող հրամանները՝ հակառակ Ձեր երգման՝ գործադրելով, և միանգամայն երեստողիմայ Երուսաղիմայ Եպիսկոպոսին Պատրիարքին հանդէպ՝ հակառակ Քրիստոնէական սկզբանց՝ նորա տաճած աստելութեան և ռիսակալութեան կոյր գործիք ըլլալով(*):

(*).— Իզմիրեան Կաթողիկոս՝ իբր աքսորական Երուսաղէմի վանքին մէջ 12 տարի ձրխաբար և շոռա-

Սրբազան, Ձեր պաշտօնավարութենէն ի վեր տեղի ունեցած հակառահմանադրական անթիւ արարքներն, և ինչպէս Ձեր բերնովն իսկ խոստովանեցաք, թէ՛ հանրութեան և թէ՛ տեղական և օտար մարդոյ կողմէ իսկ Ձերդ անկարողութեան և ապիկարութեան մասին արտայայտուած կարծիքն և քննադատութիւնները, ո՛ր «Ձայն բազմաց ձայն Աստուծոյ» են, ինչպէս և Ձեր գլուխ գործոց վերոյիշեալ հակասական, անտրամաբանական, անհեթեթ բանախօսութեան ամեն մի պարբերութիւնն անհերքելի ապացոյցներ են թէ՛ դժբաղդաբար կախարդական և խաբէրայական հրապոյրներէ թելադրուելով Ձեզ յանձնուած Ազգ. նաւը՝ Ձեր ղեկավարելու անկարողութեամբը՝ ընկղմելու, ինչպէս և գործադրութեանը հակելու Ձեր ուխտած Սահմանադրութիւնն ալ բոլորովին քանդելու աստիճանին հասուցած էք:

քաւ հիւրասիրուած միջոցին, և թէ իր պաշտօնակից Եպիսկոպոսին Պատրիարքի կողմէն իրեն հանդէպ որ և է մեղանշում իսկ գործուած ըլլայ, 77 անգամէն աւելի ներելու պարտաւորութիւնը չեղաող Մեծ վարդապետին անդառնալի հրամանը իր կրթին համար ոտնակոխ ընելը, իւր Սէր և Միաբանութիւն քարոզող անդրանիկ Կոնդակին մէջ յիշեալ Պատրիարքին անուան իսկ չը յիշել և ողջոյնը զլանալը, էջմիածնայ Օրացոյցին մէջ ալ նորա (Եպ. Պատրիարքին) անունը չյիշատակելէ զատ՝ Օրացոյց մը իսկ ըստ սովորութեան նուէր չլրկելը, և զանի պաշտօնէ դադրեցնելով, անոր տեղ Ն. Ամենապատուութեան ոտի միաբանները՝ Տեղապահութեան և այլ պաշտօններու կոչել տալը՝ իր անհաշտ աստելութեան և ռիսակալութեան ապացոյցներ չեն:

Սրբազան, Ձեր բանաստեղծական մէջ «երկու սու-
րի մէջ կը գտնուի» ըսած էիք. այդ կէտին օրինական
լուծումն ի վերեւ Ձեզ մասնանշած եմ:

Սակայն դուք այժմ երկու թուրի մէջ կը գտնուիք.
մէկ կողմէն Դուք Ձեզ անձնուած պաշտօնը կատարելու
անկարողութեան այլեւս համոզուելով խիղճերնիդ դձեգ
կը խայթէ, որով և հրաժարելու միտում ցոյց կուտաք,
միւս կողմէն Ձեր արժանաւորութիւնը և փառամոլու-
թիւնը Ձեր խղճի խայթել կը լսեցնէ, Պատրիարքական
թոշակը կարելի եղածին չափ երկայն ատեն ոտանալու
և ֆեւեռնիդ աղէկ մը կապելու համար, և ասոր հա-
մար պէտք կ'զգաք ուխտերնիդ դրժելով և «ամէնուգ
ուզածը թող ըլլայ» ըսելով ամենուն հետ անուշ երթալ
և օրհնութիւն ի ձեռին՝ յուզեալ, յաշագին և ազգասէր
ընթացք մը բռնել. . . , և այս երկու թուրերուն մի-
ջեւ երեքեալ և տատանեալ կը շարունակէք. . . :

Սրբազան, եթէ՛ իբր եկեղեցւոյ խել ուխտեալ պաշ-
տօնեայ՝ արժամուրթիւնը և փառամոլութիւնը Բրիտ-
տոնէական սկզբանց հակառակ ըլլալը կ'զգաք, և եթէ
«ակն քո գայթակցեցոյցանէ զքեզ, խլիս՝ զնա և ընկեա՛
ի քէն» աւետարանական պատգամը կը յարդէք և
խիղճ և արդարութիւն կը ճանչնաք, պէտք է անյա-
պաղ հրաժարիք Ձեր պաշտօնէն՝ որ Օրմանեան Պատրի-
արքին ճիրաններէն ազատուած Սահմանադրութիւնը
քանդելու միայն ծառայած է:



ՍԱՀՄԱՆԱԳՐՈՒԹԵԱՆ ԱՆԹԵՐԻ ԳՈՐԾԱԳՐՈՒԹԻՒՆԸ

ՊԱՏՐԻԱՐԱՔՐԱՆԻ ՄԱՔՐԱԳՈՐԾՈՒՄԸ ԵՒ

ԲԱՐԵԿԱՐԳՈՒԹԻՒՆԸ

ԱԶԳԱՅԻՆ ԴԱՏԱՐԱՆԱՅ ԿԱԶՄԱԿԵՐՊՈՒԹԻՒՆԸ

Ազգ. Պատրիարքարանի և ճիւղերուն մէջ գործուած
զեղծումներու, օրինազանցութեանց և Ազգ. գործոց ա-
նել վիճակին միանգամ ընդ միշտ լրջապէս վերջ տալու
համար, կ'առաջարկեմ հետեւեալ միջոցները, որոնց վե-
րայ Ազգ. Երեսփոխանաց բարձր ուղարկութիւնը հրա-
ւերել ինձ նուիրական պարտք կը համարիմ:

Պատրիարքարանի և Առաջնորդարանաց մէջ տեղի
ունեցած զեղծմանց և օրինազանցութեանց և Ազգ. գոր-
ծոց խճողեալ քառասյին անորոշ վիճակին վերջ տալու,
Ազգ., ամուսնական, վարչական և տնտեսական կեան-
քը օրինապէս ապահովելու, Ազգ. Սահմանադրութիւնը
լրջապէս և գործնականապէս գործադրելու և ցարդ
անօրէն մնացած Պատրիարքարանը և իր բոլոր ժողովներն
և Խորհուրդներն օրէնսդրութեամբ օժտելու հիմնական
միջոցները ուսումնասիրելով՝ առ ի գործադրութիւն
տեղեկագրելու համար, Ազգ. և Քաղաք. Ժողովոց և
Խորհրդոց անդամներէն և թէ գրեւէն, Ազգային գործոց և
պետութեան օրինաց հմուտ և փորձառու անձերէ բաղ-
կացեալ ժողով մը կազմելու է, որուն պաշտօնը պիտի
ըլլայ.

1. Սահմանադրութեան 47րդ յօդուածին պա-

հանջման համեմատ, ամուսնացեալ, իրաւագէտ և 40 տարին լրացուցած եկեղեցական և աշխարհական 8 անդամէ բաղկացեալ Դատաւորներ կազմակերպել ի գաւառս, ուր ամուսնական դատերը՝ անխառնաբեր և օրինաց անգիտակ կրօնականներու ձեռքը խաղալիկ դարձած են ցարդ, այն պատճառաւ որ, Սահմանադրութեան հոչակումէն ի վեր դժբաղդաբար Պատրիարք, գահը բարձրացող բոլոր Պատրիարքներ, նոյն Սահմանադրութեան անթերի գործադրութեանը հսկելու բրած ուխտերնուն հակառակ, չեն կազմակերպած նոյն Խորհուրդները:

2. Սահմանադրութեան 35, 48, 50 և 56րդ յօդուածոց՝ կրօնական ժողովոց, վանօրէից, կոտակաց և թաղ. Խորհրդոց համար պատրաստութիւնը պահանջած, բայց տարաբաղդաբար 50 տարիէ ի վեր ի նկատի չառնուած կանոնադրութիւնները անմիջապէս պատրաստել և հրատարակել:

3. Եւ որովհետեւ փորձով հաստատուած է թէ մեր Պատրիարքարանին մէջ լաբլւրինթոսային անել վիճակ ստացած ազգ. գործերուն համախոնուած և լճացեալ գեղծումներն և օրինազանցութիւնները յառաջ եկած են մեր վարչական, դատական ժողովներու անդամոց՝ ըստ պահանջման Սահմանադրութեան՝ իրաւագէտ, փորձառու և կարող չլլալէն, իրենց ձեռքը իբր ուղեցոյց և առաջնորդ ծառայող օրէնքներ չգտնուելէն և վերջապէս օրինաց անթերի գործադրութեանը հսկելու համար թուութակօրէն կատարուած լոկ տեսական երգմանց հակառակ՝ գործադրութեանը լրջապէս հետապնդող չգտնուելէն, ուստի օրինաց գործադրութեան պաշտօնապէս հըսկելու և գեղծումներն և հեղիակներն հետապնդելու և

պատժելու համար, թէ՛ Պատրիարքարանի և թէ՛ Առաջնորդարանաց մէջ, ազգ. գործոց հմուտ և փորձառու իրաւագէտ եկեղեցականներէ և աշխարհականներէ բաղկացեալ Գեղր, Նախնական և վերաքննիչ դատարաններ և միայն Կ. Պօլսոյ մէջ վճռաքիկ դատարան մը կազմելու է, Տէրութեան դատարանաց կազմակերպութեան օրինաց համաձայն: Նաեւ Նախնական դատարանին մօտ Հարցաքննիչ դատաւոր մը և Ընդհանուր Դատախաղի Օգնական մը, իսկ վերաքննիչ և վճռաքիկ ատեաններու քով ալ մէջ մէկ Ընդհանուր Դատախաղ կարգելու է:

4. Աւելորդ է հոս դիտել տալ որ Ազգային Ժողովն օրէնսդրական է և դատարանի երբէք հանգամանք և իրաւասութիւն չունի, թէ և դժբաղդ թիւրիմացութիւններով մեր Օրէնսդրական Ժողովը՝ հակառակ օրինաց՝ դատարանի դեր ստանձնած և վճիռներ արձակած է, որոնք ըստ օրինի չեղեալ և անգործադրելի են, զոր օրինակ Ղեռնդ Ծ. վրդ. Մաքսուտեանի դէմ տրուած 11000 ոսկինոց վճիռն, են, են:

5. Վերոյիշեալ դատարաններն պարտաւոր պէտք է ըլլան պետական դատարանաց մէջ կիրարկեալ բոլոր օրինաց համաձայն չարժիլ և գործել:

6. Սահմանադրութեան 28րդ յօդուածը կրօնական ժողովոց զորս կրօնական գործոց ընդհանուր տեսչութիւնը միայն պաշտօն տուած ըլլալուն համար, սոյն ժողովը առանձնաբար ամուսնական դատերը քննելու հիմնապէս և օրինապէս իրաւասու չգտնուելով հանդերձ, ըստ քմահաճոյից Նախնական և վերաքննիչ Դատարանաց հանգամանք առնելով արդարութեան, խղճի և օրինաց հակառակ որոշումներ շատ անգամներ արձակած է:

Պէտք է ազդարարել որ գէթ այսուհետեւ զգուշանայ այսպիսի հակասամանադրական ընթացքէ:

7. Ազգ. Դատարանաց համար ժամանակին չարաչար աշխատութեամբ և անձնուիրութեամբ ի գիր առած Դատաւարութեան ընդարձակ Օրինագիծս, ինչպէս և Պատրիարքարանի և Ժողովոց և պաշտօնէից միջև փոխանակուած պաշտօնագրոց անհետացման, կորստեան և այլ զեղծմանց տեղի չտալու համար, վերոյիշեալ թղթերուն ստացադրով միայն փոխանակուելու անհրաժեշտ պէտքը չեղող և դատական ծախքերն որոշող իմ յօրինած այլ երկու Օրինագիծերս՝ ասկէ երկու տարի առաջ իբր Դատաս. Խորհրդոյ Ատենապետ՝ պաշտօնագրով իբր Դուրեան Պատրիարքին մատուցի, սակայն Նորին Սբբ. բազմութիւնը՝ անօրինութիւնը և իր քմահաճոյքը ամէն օրինաց նախամեծար համարելով, չի հաճիր պատկանեալ մարմիններու նկատառութեան յանձնել զայնս և կը չարունակէ Չաքարիական լրութիւն պահել, թէ՛ գրաւորապէս և թէ՛ բերանացի բազմիցս իշխն ըրած դիմումներու հակառակ: Պէտք է սոյն Օրինագիծերս անմիջապէս երեւան հանել և քննելով ու վտերացնելով, դնել ի գործադրութիւն:

8. Եւ մինչև որ յիշեալ Դատաւարութեան Օրինագիծն ըստ օրինի հոչակուի, պէտք է Խորէն Աշըքեան Պատրիարքէն միակ յիշատակ մնացած Դատաւարութեան համառօտ Հրահանգն թէ՛ նորակազմ Գաւառ. Դատաս. Խորհրդոց, թէ՛ Կ. Պոլսոյ Կեդրոնական Դատաս. Խորհրդոյ և թէ՛ Քաղաք. և Կրօնական Ժողովոց հազորդիւ ի գործադրութիւն:

9. Օրմանեան Պատրիարքին պաշտօնավարութենէն մինչև այսօր Կ. Պոլսոյ Կեդրոնական Կրօն. և Քաղաք.

Ժողովոց և Տեսուչ Խորհրդոց և Խնամակալութեանց որոշումներն և Պատրիարքարանի բոլոր պաշտօնէից գործառնութիւնները քննելով, զեղծումնին հաստատուած Ժողովականներն և պաշտօնեայնները եթէ ի պաշտօնի են՝ պաշտօնանկ ընել և միանգամայն Սահմանադրութեան 66-67րդ յօդուածոց համեմատ ընտրողական և ընտրելութեան իրաւունքներէն զրկել հարկ է:

10. Քանի որ Ազգ. Սահմանադրութեան 36, 47 և 69րդ. յօդուածները պայման դրած են որ Ազգ. Քաղ. և Օրէնսդրական Ժողովոց և Դատաս. Խորհրդոց եկեղեցական և աշխարհական անդամներն՝ Ազգային գործոց և տէրութեան օրինաց հմուտ ըլլան, պէտք է պետական օրինաց ուսումը օրինապէս պարտաւորիչ ընել Ազգ. վարժարանաց մէջ. միւս կողմէ ալ թաղ. Խորհրդոց պէտք է հրահանգ տալ, որպէս զի երեսփոխանական ընտրութեանց ատեն, ինչպէս Սահմանադրութիւնը կը պահանջէ, պատրաստուելիք ընտրելաց ցանկին մէջ նախապատուութիւն տան պետութեան օրինաց հմուտ, փորձառու և կարող անձերու:

11. Սահմանադրութեան 47րդ յօդուածը բացարձակապէս կը պահանջէ որ «Դատաս. Խորհրդոյ անդամներն 40 տարին լրացուցած, ամուսնացեալ և իրաւագէտ ըլլան»:

Օրէնսդիրը սոյն պայմանը դրած է: Կանխատեսելով որ, 40 տարեկանէն վար երիտասարդ և ամուրի անձեր՝ ամուսնական կեանքին գաղտնիքներուն քննութեանց առթիւ՝ ի բնէ ենթակայ կրնան ըլլալ փորձութեանց և գայթակղութեանց: Մեր Սահմանադրութեան բարեյիշատակ օրէնսդիրներն և հեղինակներն, Ազգ. Թոնեան Գրիգոր և Մկրտիչ, Ասլանեան Ստեփան, Ռու-

սինեան և Օտեան Գրիգոր էֆէնտիններն՝ նոյն յօդուածին պահանջման համեմատ՝ կեղերն. Դատաս. Խորհրդոյ երկար ատեն՝ Մկրեան Յովհաննէս և այլ քահանաներն իբր Պատրիարք. Գոխանորդ նախագահել տուած են: Այս մասին Պատրիարքարանի արձանագրութիւններն անհերքելի վկայ են:

Վերոյիշեալ 47րդ յօդուածին երկրորդ պարբերութիւնը, որ է «Դատաս. Խորհրդոյ նախագահը Պատրիարքական փոխանորդն է», երբէք իրաւունք չի տար օրինաց վերոյիշեալ պայմաններէն դուրս ըստ քմաց ընտրուած 28 տարեկան ամուրի Պատրիարքական Փոխանորդին նոյն Խորհուրդին նախագահելու:

Աղգային բոլոր Դատաս. Խորհրդոյ նախագահներուն՝ ամուրի և երիտասարդ կղերականներէ ընտրուիլը մեր Պատրիարքարանին օրինադանցութենէն և անհօմեր Պատրիարքարանին օրինադանցութենէն յառաջ եկած է: Սոյն զեղծումն Օրինաց գործութենէն յառաջ եկած է: Սոյն զեղծումն Օրինաց գործագրութեան բնաւ արգելք չկրնար հանդիսանալ: Եւ արդարեւ ո՞րն է օրինաւորը. Դատաս. Խորհրդոյ նախագահը պէտք է վերոյիշեալ 47րդ յօդուածին հպատակի, թէ նոյն յօդուածը պէտք է հպատակի ըստ քմահանոյքի ընտրուած ամուրի և օրինաց անդիտակ երիտասարդ կեղեցական փոխանորդի մը:

12. Պէտք է կարգել նաև 40 տարին լրացուցած, ամուսնացեալ, փորձառու, օրէնսգէտ և կարող Պատրիարքական մը, աւելցնելով իր վրայ նաև Գործակատարի պաշտօնը:

13. Թէև Պատրիարքին պաշտօնը կը կայանայ մեծաւ մասամբ Աղգ. Ժողովոց և Խորհրդոց որոշմանց գործագրութեան մէջ, սակայն դաւանափոխութեան, ծնընդեան, մկրտութեան, ամուսնութեան հրամանի, մահ-

ուան, ժառանգութեան, զինուորագրութեան, ինչպէս նաև Դատաս. Խորհրդոյ կողմէ տրուած վճռադրոց թրքերէն խմբագրութեանը և ինչպէս խմբագրութեանը վճռագրերուն գործագրութիւնը յապաղեցնելու համար տրուելիք «Թէէխրի ինթա»-ի և այլ իշխանապետներու ցարդ միմիայն Պատրիարքին կամ Փոխանորդին և պաշտօնէից քմահանոյքին ձգուելով՝ տեղի տրուած անհամար զեղծմանց և անորոշ պատասխանատուութեանց վերջ տալու համար, այսուհետև սոյն խնդրոց վերաբերեալ բոլոր վկայագրերն նախ մինչև որ պատկանի Ժողովոց կողմէ որոշման առկա չափունին և նոյն որոշման համաձայն յիշեալ մարմնոց պաշտօնական կնիքովը կնքեալ և Ատենապետին և Դիւանադպրին ստորագրութեամբ վաւերացեալ չլլան, Պատրիարքը և իր Փոխանորդն նոյն վկայագրերները կամ վճռագրերը պէտք չէ վաւերացնեն:

14. Եւ որովհետև Աղգ. ընտրած է Երեսփ. Ժողովը, և փոխանորդ մը՝ իր պարտականութիւնը կատարած միջոցին՝ օրինօք չէ կարող իր փոխանորդեալին ներկայութիւնը արգիլել և անկէ դադարի գործ տեսնել, Ժողովը ալ երբէք իրաւունք չունի ունենդրութեան իրաւունքէն զրկելու իր փոխանորդեալը, որ է Ժողովուրդը: Այլ է նախագգուչական միջոցներ ձեռք առնել, ինչպէս օրէնքը կը հրամայէ, արգիլելու համար ունկնդիրներու կողմէ տեղի ունենալիք անկարգութիւնները:

Տեա՛րք Երեսփոխանք,

Ինչպէս կը տեսնէք վերոգրեալ մանրամասնութիւններէն, Դուրեան Պատրիարք իր անկարողութեան պատճառաւ իր ուխտը դրժած և արդի Խառն Ժողովոյ հետ, Սահմանագրութիւնը, կարգապահութիւնը և ա-

մէն օրինական չէնք քանդած, եկեղեցւոյ խորհուրդ-
ներու արարողութիւնները ծաղր ու ծանակ ընելու և
ժողովրդեան ջերմեռանդութիւնն ալ խանդարելու տե-
ղի տուած և Ազգը կորստեան անդունդը դահալիժելու
աստիճանին հասցուցած են:

Եթէ օրինաց և Ազգին հանդէպ Ձեր ստանձնած
բարձր պաշտօնը լրջապէս և ի խորոց սրտի ճշմարտա-
պէս կատարելու և Ազգ. Սահմանադրութիւնը տառա-
պէս գործադրելու և կէս դարէ ի վեր Օրէնքէ զուրկ
մնալով նեխած և ապականուած Պատրիարքարանը ի-
րականապէս մաքրագործելու և բարեկարգելու և Ազ-
գին կենսական շահերը ապահովելու լուրջ կամք և փա-
փաք ունիք, պէտք է անմիջապէս դադրեցնէք Ազգ.
վարչութիւնը և Պատրիարքը և գործադրէք վերոյիշեալ
առաջարկներս:

Եւ եթէ երբէք անտարբեր գտնուիք դժբաղդ Ազ-
գին թէ՛ կրօնական և թէ՛ քաղաքական տեսակէտով
ենթակայ եղած տագնապալի և վտանգաւոր կացու-
թեանը հանդէպ և խուսափիք Ձեր ընտրութեանը ատեն
զՁեզ ընտրող փոխանորդեալին՝ չռայլաբար Ձեր խոս-
տացած անձնուէր ծառայութիւնները իրականապէս
մատուցանելէ, Հանրութեան Դատարանին, ապագայ
սերունդին և անաչառ Պատմութեան առջև իրաւամբ
խոստմնադրութ և պատասխանատու պիտի հանդիսանաք:



ՓԱԼԱԳԱՇԵԱՆ ՏՊԱՐԱՆԸ

Կը տոանձնէ ամէն տեսակ տարա-
գրական գործեր, գիրք, տետրակ
հարսանեկան հրաշեր, ցոշակներ
ընկալագրեր, մանագր, եշն, եշն
Յանձնարարութիւնք Կը կառար
ոշին խնամքով, փոշքով եւ գոռա
ցոշիչ գիներով:

ՓԱԼԱԳԱՇԵԱՆ ԳՐԱՏՈՒՆԸ Կեդրո
նաեղին է թէ՛ փալագաշեան աշխատարան
թեանց եւ թէ՛ ուրիշ կարգ մը հեղինակաց գոր-
ծերուն: Դասական, գիտական, վիպական եւ
այլ ամէն տեսակ գրքերու վրայ յանձնարարու
թիւնք կը կատարուին հեղուքեամբ, փութով եւ
խնամով:

Մեծաքանակ գնողներուն մասնաւոր գեղջ

 ՀԱՍՅԷ .

Յ . Գ . ՓԱԼԱԳԱՇԵԱՆ

Մեծ Նոր խան, վերի յարկ . թիւ 55

Կ . ՊՈԼԻՆ

ՓԱԼԱԳԱՇԵԱՆ ՏՊԱՐԱՆԸ

Կը տառնանէ ստէն տետրակ տպագրական գործեր, գիրք, տետրակ, հարսանեկան հրաշեր, ցոշցակներ, ընկարագրեր, մահագդ, եշն, եշն: Յանձնարարութիւնը կը կատարուին խնամքով, փութով եւ գոհացող գիներով:

ՓԱԼԱԳԱՇԵԱՆ ԳՐԱՏՈՒՆԸ Կերտնաշէղին է թէ՛ փալագաշեան աշխատարանը եւ թէ՛ ուրիշ կարգ մը հեղինակաց գործերուն: Դասական, գիտական, վիպական եւ այլ ամէն տեսակ գրքերու վրայ յանձնարարութիւնը կը կատարուին նշուած բոլորով, փութով եւ խնամքով:

Մեծաքանակ գնորդներուն մասնատու գեղջ:



ՀԱՍՏԷ .

Յ. Գ. ՓԱԼԱԳԱՇԵԱՆ

Մեծ Նոր խան, վերի յարկ. քիւ 55

Կ. ՊՈԼԻՍ

ՀՀ Ազգային գրադարան



NL0163195

